



**JUDICIAL SYSTEM MONITORING PROGRAMME**  
**PROGRAMA MONITORIZASAUN SISTEMA JUDISIAL**

*Komunikadu Imprensa*  
*19 Marsu 2013*

**JSMP realiza treinamentu ba grupu fetu iha Suco Dai-sua**

Iha 14 Marsu 2013 JSMP liuhusi Unidade Justisa ba Feto (WJU) halo treinamentu ba grupu fetu iha Suco Dai-sua, Sub Distritu Same, Distritu Manufahi. Treinamentu ne'e ho tema "*Moris la hó violénsia*"

Feto hamutuk na'in 21 mak partisipa iha treinamentu ne'e no aprende kona-ba sira nia direitu, Lei Kontra Violénsia Doméstika no Kódigu Penál, no oinsá atu hetan assisténsia ba kazu violénsia doméstika no violénsia seksuál.

*"JSMP espera katak liu husi programa treinamentu ne'e bele kontribui ba kombate no minimiza violénsia kontra fetu no fó konfiansa ba fetu atu uza sistema formál hodi proteje sira nia interese,"*dehan Diretór interinu JSMP, Casimiro Dos Santos.

Iha treinamentu ne'e fasilítador sira apresenta informasaun legál nomós fasilíta grupu diskusaun ba partisipantes sira hodi rona partisipante sira nia hanoin no halo analiza ba estudu kazu sira.

Partisipantes sira haktuir katak treinamentu ne'e importante tebes tanba esplika kona-ba sira nia direitu ne'ebé regula iha lei. Representante fetu sira ne'ebé partisipa iha treinamentu ne'e, dehan katak sira sei nafatin presiza JSMP nia prezensa iha futuru hodi bele hakle'an liután fetu sira nia koñesimentu iha asuntu lei no direitus umanus.

JSMP hein katak ho atividade hirak ne'e, bele kontinua hametin di'ak liu koñesimentu kona-ba sistema justisa formál iha comunidade iha área rural sira, liu liu kona-ba oinsá atu trata kazu violénsia kontra fetu.

Programa treinamentu ne'e realiza ho apoiu finanseiru husi **The Royal Norwegian Embassy** iha Jakarta, Indonézia.

Atu hetan informasaun kle'an favor kontaktu direktamente:

Casimiro Dos Santos

Diretór interinu JSMP

Diresaun e-mail: [casmiro@jsmp.minihub.org](mailto:casmiro@jsmp.minihub.org)

Landline: 3323883 / 77257466

[media-subscribe@jsmp.minihub.org](mailto:media-subscribe@jsmp.minihub.org) (JSMP Press Releases)

